

8 di otubru di 2020

Prezada Komunitadi di Skolas Publikas di Boston:

Primeru di tudu, N kre agradesi nhos pa nhos pasiensa i flexibilidadadi durantes es tenpus insertu. Enkuantu ki nu ta kontinua ta avalia orientason di saúde publika i ditermina kuze ki é di midjor interesi pa nos fidjus, nu sta isforsa na manti nhos informadu asin nhos pode toma midjor disizon pa nhos fidju. Nu sta ta skrebi nhos oji pa asigura ki nhos teni informason izatu relasionadu ku planos i linha di tenpu di reabertura di skola.

Onti mi ku Prefeito Walsh anunsia ki, dividu a aumentu na taxa media semanal di resultadus puzitivo di COVID-19 na sidadi interu pa 4.1%, nu sta adia proximu fase pa alunos volta pa skola na modelo di aprendizagen prizensial. Alunos di series K0-3 ki opta pa modelo di ensino misto ka ta volta pa skola antes di kinta-fera 22 di otubru pa grupo B i sigunda-fera 26 di otubru pa grupo A. Nu sabe ki txeu di nhos ta fika disepsionadu ku es notisia li, nos tanbé nu sta. Nu ta spera resebi más alunos pa skola en brevi.

Nu entantu, tudu nos skolas sta abertu pa alunos ki dja komesa aprendizagen prizensial. Alunos ki foi identifikadu antes komu kes más nesisitadu i ki é ilejivel pa volta pa prédios eskolares ta kontinua ta ten opson pa aprendizagen prizensial. Alunos na Skolas McKinley, Carter, i Horace Mann ta ten opson pa aprendizagen prizensial 4 bez por dia duranti dia letivo, más ka antes di tersa-fera 13 di otubru. Tudu kes otus familias ki opta pa 4 dia di aprendizagen prizensial ta ser avisadu logu ki nu pode akumoda ses pididu, más é ka ta ser antes di kinta-fera 22 di otubru.

Nos disizon di kontinua ta atendi alunos ki volta pa aprendizado prizensial i di adia próximu pasu na nos programa di aprendizagen misto siguru i responsável é konsistenti ku nos disizon di prioriza nos alunos más nesisitadu na es plano. Familias ki opta pa aprendizagen na modelo di ensino misto pode na kalker momentu troka pa aprendizagen totalmenti à distansia, é so es entra en kontatu ku skola di ses fidju ô konpleta formulário dipunivel na: bostonpublicschools.org/reopening.

Komisson di Saúde Publika di Boston (BPHC) **ten diterminadu** ki é siguru pa BPS kontinua aprendizagen prizensial pa nos studantes más nesisitadus. Alen disu, BPS ten konsultadu ku ofisial di stadu sobre saúde publika i edukasaon, ki tanbé sta diakordu ku disizon di manti skolas abertos. Funsionários di BPS ten trabadjadu duro na pasadu meses pa midjora nos prédios, konpu janelas i furnesi ventuinhas pa aumenta sirkulason di ar, atualiza casas di banhu, instala staton pa dizinfeta na entradas i saidas, kunpra máskaras i otus equipamentus di pruteson, aruma mobílias i kolaka sinal pa distansiamentu social, aqikiri nebulizadores eletrostáticos i furnesi kada skolas ku materiais i produtos di linpeza i di dizinfeta en excesso.

Alen di rigurosus protocolos di linpeza, BPS é parsero di BPHC Infectious Disease Bureau pa txeu anos, i es ta furnesi un base sólida pa dizenvolvimentu i implimentason di protocolos COVID-19 pa manti alunos, funsióarios i famílias sigurus. Tudu prusedimentus di siguransa relacionadu ku COVID sta dileniadu na [BPS reopening plan](#). Komu lenbreti, tudu funsióarios i familias debi konpleta lista di verifikason di saúde na casa ([BPS home health checklist](#)) antes di es bai pa skola. Más informason sobre reabertura di BPS sta senpri dispunivel na bostonpublicschools.org/reopening.

Ka nhos skesi ki nu sta li pa apoio nos alunos i familias durantes es tenpus insertus, i nu ta kontinua ta atualiza nhos sobre kalker dizenvolvimentu. Obrigadu pa nhos kolaborason.

En solidariadi,



Dr. Brenda Cassellius
Superintendente